

He taonga te tamaiti | Ko e tama ko e taoga

**Fakatokaaga gahua akoagamena vaha ikiiki
2019-2029**

Potaaga Manatu

Fakatokaaga gahua akoagamena vaha ikiiki 2019-2029	1
Kamataaga	4
Te Tiriti o Waitangi / Ko e Tiriti ha Waitangi	4
Fakakiteaga/Onoonoaga	5
Tau kakano ma e fakatokaaga gahua nai.....	5
Kehekehe he tau foakiaga	5
Teitei ni ke matutaki oti e tau fanau ke he tau aoga vaha ikiiki	5
Ko e kautu hikihiki fano.....	5
Kakano he hikiaga	5
Heigoa ka tautē he magaaho nai?	6
Ko e tau fakatokaga he fakaholoaga nai.....	6
Fakatokaaga 1. Ko e tau fanau mo e tau magafaoa kua fakamahani ke he tau takatakai ne lagaki e tuaga-malolo mo e omoi e higoa-tagata, vagahau mo e aga fakamotu	6
1.1 Lagaki hake e tau vevehe mamatua ke he fanau i lalo hifo he 3 tau moui ma e tau aoga vaha ikiiki ne takitaki he tau faiaoga.....	6
1.2 Fakatokatoka e tau faiaoga ma e tau matakau fanau ke he tau puhala leveki kua tumau mo e mafola, tau puhala ako-vagahau, mo e holooaga ki mua ma e tau fanau mo e tau magafaoa	7
1.3 Atihake e fakatonuaga ke he lahi he vahega, talagaaga he aoga mo e tau feu takatakai laulahi, mo e ke atihake fefe e tau tuaga mitaki ke he tau kavai ia.....	7
1.4 Omoi e tau mamatua mo e magafaoa ke kumikumi e tau puhala fakaako mo e akoaga vagahau ke he tau fakailoaaga kua fakaata mitaki	7
Fakatokaaga 2. Kua maeke oti e tau fanau ke fakafita ke he tau akoagamena ma e vaha ikiiki mo e moua lagomatai kua lata ke ako-mena mo e tupu ai.....	8
2.1 Liu-kikite e fakatupeaga fakalautatai mo e fakatoka ke fakamooli kua moua he tau fanau e mitaki mai he ataina ke he tau fakamahaniaga uho ke he tau aoga vaha ikiiki.....	8
2.2 Atihake e fakatonuaga ke fakaaoga e tau levekiaga viko-takai malolo tino mo e fakatagata ke omoi e tau fanau mo e magafaoa ke fakafita ke he tau aoga vaha ikiiki mo e fakamooli kua iloa mitaki ko hai ne toka ki ai e levekiaga uho ke fakatokatoka e tau lagomatai ma e tau aoga vaha ikiiki takitaha	8
Fakatokaaga 3. Ko e tau faiaoga mo e tau takitaki kua moua fakamailoga, kehekehe, makaukau he tau aga-fakamotu mo e mahuiga	8
3.1 Fakaohooho ke 100 pasene mo e fakatonu ke 80 pasene e tau faiaoga fai fakamailoga he tau aoga takitaki he tau faiaoga, ke takitaki atu ke moua e fakatonuaga ke he 100 pasene	8
3.2 Lagaki hake e tau fakamailoga he tau tagata fakaako ke he tau kaina.....	9
3.3 Atihake e taha fakaholoaga mo moua faiaoga he vaha ikiiki kua fakatatai ke he fakaholoaga matakau-gahua fakaako	9
3.4 Fakaaoga taha puhala ne lagaki e lahi mo e fakatatai he tau totogi he tau faiaoga mo e tau puhala gahua he faahi he tau aoga vaha ikiiki	9

3.5 Atihake e fakaakoaga faiaoga fakamua (ITE) ke fakamooli kua moua fakamailoga mitaki e tau faiaoga ke fakagahua auloa e kalikilamu mo e falu pulotu.....	9
3.6 Fakatu taha puhala kua fakatumau mo e fakatokatoka ma e akoagamena mo e atihakeaga fakagahua (PLD)	10
3.7 Atihake e tau matapatu/kaina fakafoou mo e liu-kumikumi ma e tau aoga vaha ikiiki	10
3.8 Omoi e tau aoga vaha ikiiki ke fakafetui auloa ko e tau hoa fakatai mo e falu aoga mo e falu faahi fakaako	10
3.9 Omoi e tau matakau-gahua ke fakaaoaga e te reo Māori he tau aoga vaha ikiiki oti	10
Fakatokaaga 4. Kua atihake e lotomatala he fanau kua mahuiga ke he magafaoa mo e maaga mo e omoi a lautolu ke eke mo tau akomena makaukau mo e loto malolo	11
4.1 Tohi he Kasete e matapatu Kalikilamu, <i>Te Whāriki</i> , ke omoi e fakagahua he tau uho-manatu, tau lala, tau hagaaoga mo e tau palepale kaeke kua talaga he tau kalikilamu maaga	11
4.2 Fakatu-auloa e tau faga puhala kua tonuhia, mau-mitaki, lauia e aga-fakamotu mo e vagahau ke lagomatai aki e fuafuaga fakaholo mo e puhala fakaako	11
4.3 Ko e tau leveki lagomatai ke taute e tau kumikumi kia lautolu ni ke fakamalolo e tau fakagahuaaga he <i>Te Whārikiki</i> mo e fakamooli e holoaga ki mua.....	11
Fakatokaaga 5. Ko e tau aoga vaha ikiiki ko e tau lala he puhala fakaakoaga fakatokatoka mo e mitaki kua omoi, fakatautonu mo e fakatumau	12
5.1 Fakatoka taha puhala matutaki/kupega fakatokatoka ke fakamooli e fakatuaga aoga vaha ikiiki kua mitaki lahi, kehekehe mo e fakatumau	12
5.2 Kumikumi e tau mena ke fakatautonu e moua aoga vaha ikiiki ke he tau matakavi ne nakai loga e aoga	12
5.3 Fakatoka taha vala kelekele mo talaga aoga vaha ikiiki kua tata ke he tau aoga, kaeke kua fai	12
5.4 Fakamalolo he lagomatai ke he takitakiaga mo e levekiaga ma e tau aoga vaha ikiiki ne vagahau Pasifika mo e falu kautu foki	12
5.5 Fakatu taha fakaholoaga tumau mo e malolo ke kitekite mo e fakalaisini	13
5.6 Fakakite fakamitaki e tau fakatupeaga ma e tau mamatua, tau faiaoga mo e fakatufono	13
5.7 Talaga-auloa taha puhala fakatupeaga mo e Playcentre Aotearoa New Zealand.....	13
Kitekite mo e fuafua fefe e tautolu e fakaholoaga ki mua?	13
Ko e fakatokaaga gahua kitia mafiti	14

Kamataaga

Ke he Fakaholoaga Tuaga-malolo he Tama mo e Fuata kua fakakite tonu he Fakatufono ko "Niu Silani ke eke mo motu mitaki lahi he lalolagi ma e tau fanau mo e tau fuata". Ko e kitiaaga nai kua mahuiga lahi mo e kua lata ke gahua fakamalolo ki ai. Ko e fakafitaaga ke he tau fakaakoaga mitaki he vaha ikiiki ko e taha mena uho ke omoi e tuaga-malolo mo e tau laveaga moui he tau fanau ikiiki.

Kua kitia ai he Fakatufono ko e kautu he tau aoga vaha ikiiki kua falanaki ke he tau levekiaga, takitakiaga mo e tau puhala fakaako mo e fakafetuiaga he mamatua, magafaoa mo e tau matakavi. Ko e moua he kautu kua fakave foki ke he mouaga he tau mamatua e ataina ke fifili e tau puhala akoagamena fai kakano ma e ha lautolu a tau fanau.

Ia Apelila 2018, ne fakatu he Minisita he Faahi Fakaako, ko e Lilifu ko Chris Hopkins, e Matakau Fakatonu he Minisita mo e Matakau Fakailoa ma e faahi fakaako ke fakakite kia ia e tau manatu uho mai he tau leo he tokologa hagaa ke he puhala ma e tau aoga vaha ikiiki ke omoi e tau mena kua kautu ai. Fakatu he tau matakau nai *He taonga te tamaiti – Every child a taonga: Fakataitai fakaholoaga fakatoka ma e tau akomena vaha ikiiki 2019-2029* (fakataitai fakaholoaga fakatoka) mo e omoiaga he Minisituli Faahi Fakaako.

Ko e tau fakatutalaaga ke he fakataitai fakaholoaga fakatoka ne kamata mai he aho 19 ia Novema 2018 ke he aho 15 ia Mati 2019. Ke fakaleo atu, tokologa lahi ne kua talia ke he tau manatu pulega ha ia ke he fakataitai fakaholoaga fakatoka. Fakahomo ue atu e tau manatu pulega ke he tau vevehe matua:tama mo e ke lakaatu ke he 100% he tau faiaoga kua faifakamailoga he tau aoga ne takitaki he tau faiaoga. Ko e tau fakatutalaaga liu-talimai kua pota ai ke he ua e hokotaki: *Kōrero Mātauranga: Potaaga fifiliaga fakailoaaga ke he fakataitai fakaholoaga fakatoka akoagamena vaha ikiiki, Apelila 2019 mo e Fakatokaaga fakatutala ke he fakataitai fakaholoaga fakatoka akoagamena vaha ikiiki: Tau matakau fakatonu he tau mamatua.*

Ko e fakaholoaga fakaoti nai, *He taonga te tamaiti – Every child a taonga: Fakatokaaga gahua akomena vaha ikiiki 2019-2029* (fakaholoaga gahua) kua ati fakatautonu ke he tau manatu he tokologa ne liu-talimai. Ko e potaaga a nai he fakaholoaga fakaoti. Ko e fakaholoaga katoa, ne lauia ai e fakatokaaga ke fakagahua, tau numela, tau fakatonutonuaga mo e falu fakailoaaga ke totou ke he www.conversations.education.govt.nz

Te Tiriti o Waitangi / Ko e Tiriti ha Waitangi

Kua mautali tuai e Fakatufono ke fakamooli e tau mavehaaga he Fakatufono ne lagakina mai he Te Tiriti o Waitangi. Kua kitia ai e tonuhia ma e tau magafaoa, hapū mo e iwi ke fakatonu gahua mo e takitakiaga ke he talagaaga mo e foakiaga he puhala fakaakoaga, mo e mailoga e ha lautolu a tuaga fakatohi fakave ke he aoga he puhala ma e tau Māori. Ko e fakaholoaga gahua nai ke fakatoka e tau puhala ma e Fakatufono mo e tau faahi aoga vaha ikiiki ke gahua auloa fakatonu ke fakatupu e tau makaukau aga fakamotu he tau takitaki, tau faiaoga mo e tau tagata gahua fakaako he tau aoga vaha ikiiki.

He magaaho ne kamata mua ai e fakaholoaga gahua nai, ko e Fakatufono ne gahua mo e Te Kōhangā Reo National Trust (TKRNT) ke fakatu-auloa e taha puhala fakatupeaga fakatumau ke tuga mo e tau fifiliaga he Waitangi Tribunal ke he ole he Tulati (Trust). Ko e Kōhangā reo e taha koloa uho he liu atihakeaga he te reo mo e tikanga Māori ke he fakaholoaga fakaatuhau ke he fanau ikiiki mo e tau magafaoa.

Fakakiteaga/Onoonoaga

Kua fakaataina he puhala fakaako vaha ikiiki ha Niu Silani e tau fanau takitaha ke moua e moui mitaki, ako-mena mo e tupu ai ke he tau mena homo ue atu ne omoi ha lautolu a tau higoa, vagahau mo e aga fakamotu, mo e kua mahuiga ke he tau matatua mo e tau magafaoa.

Ko e tau aoga vaha ikiiki mitaki lahi ne fakaataina e tau fanau ke fiafia e moui, ako-mena mo e tupu ai, mo e mitaki foki e omoiaga ke he 'fakatatai mai he kamataaga'. Mahuiga foki a lautolu he lagomatai he tau matatua mo e tau magafaoa ko e tau faiaoga fakamua he tau fanau.

Tau kakano ma e fakatokaaga gahua nai

Kehekehe he tau foakiaga

Ko e tau aoga vaha ikiiki ha Niu Silani ne ha i ai e tau fakaakoaga mo e tau levekiaga;¹ tau kinitakene, nga kōhangā reo, peleseneta, aoga vaha ikiiki he kaina, tau aoga he falegagao mo e tau pelekulupu. Ko e tau levekiaga nai ne kehekehe e tau puhala pule-aoga mo e tau aga-leveki mo e kehe foki e tau manatu uho aoga, tau vagahau mo e tau puhala gahua. Ko e kehekehe he tau foakiaga kua mahuiga ma Niu Silani ha kua maeke ke fifili he tau matatua mo e tau magafaoa.

Teitei ni ke matutaki oti e tau fanau ke he tau aoga vaha ikiiki

Ka fakatatai atu ke he tau hogofulu tau fakamua, kua o aoga tuai e tau fanau mai he ikiiki mo e nonofo leva ke he tau aoga. Pete ni kua nakai peehi fakatufono, teitei katoa oti e tau taki 3 mo e 4 tau ne oatu he tau aoga vaha ikiiki, mo e loga fakahaga ne ha i ai ke he tau fakaakoaga mo e tau levekiaga. Pete ia, kitia ke he tau talahau he Minisituli ko e tau fanau mai he tau matakavi nakai muhu mena ne fa ku e magaaho ke he aoga ka fakatatai ke he falu.

Ko e kautu hikihiki fano

Ko e tau hagahaga he lalolagi ainei tuga e malikitī ke he tau tagata o fano, hiki-fano e puke tagata, mo e hiki ke he fakafetui ke he makete tagata gahua kua lauia lahi ai a Niu Silani pihia mo e lalolagi. Loga lahi e tau tagata kehekehe i Niu Silani mo e ataina ke he tau puhala kehekehe mo e tau atuhau fakamua. Ko e tau manako mai he tau matakau kehekehe ma e tau aoga vaha ikiiki kua lauia ai e fakafetuiaga he tau aoga mo e tau kaina mo e magafaoa mo e lalaga auloa e kalikilamu fakamaaga.

Pete ni ko Niu Silani ko e kautu muhu mena, fai fanau ne nonofo he tau kaina ai muhu mena, tau fale nakai tutu-mafola poke ke he tau magafaoa fehagai mo e tau mena hagauka mo e tau lekua malolo tino. Ko e loga he tau gagao nakai mitaki e loto mo e nakai tupu mitaki e tino kua malikitī ai he tau fanau.

Kakano he hikiaga

Kua matutaki e Ofisa Liu-Kikite Fakaakoaga (ERO) ke fakakite e kehekehe he tau puhala gahua. Ma e tau fanau ke moua e tau tonuhia, lata he puhala he vaha ikiiki ke foaki fakamahaniaga mitaki kua mahuiga, he tau faga-aoga oti, ke he tau matatua mo e tau magafaoa. Pete kua loga fakahaga e tau aoga vaha ikiiki kae fai matakavi

¹ Ko e tau fakakoaga mo e tau levekiaga ne loga e tau higoa tuga e kulese, aoga fakamahani mo e kaina leveki-fanau, mo e tau aoga ne kehe e takitakiaga uho-manatu tuga a Montessori mo Steiner.

agaia ni ne nakai katoa e tau aoga kua mahuiga ke he tau mamatua mo e magafaoa, ti lauia ai e tau puhala ke he tau vagahau ma e tau Māori mo e Pasifika. Ha i ai foki e tau tuaha he neke kua molea lahi e falu faga-aoga/levekiaga.

Ke moua e onoonoaga ma e fakaholoaga gahua nai, kua lata ke fai hikiaga ke he fakatokaaga mo e gahua he puhala ma e vaha ikiiki ke lagaki e mitaki, atihake e fakatatai mo e ataina ke fifili.

Heigoa ka taute he magaaho nai?

Ke fakamooli e tau mata-gahua ha he fakatokaaga nai to fakaaoga ai e puhala lakaaga ke he 10 tau mai i mua. Ko e fakagahua kua toka ni ke he taliaaga he Kapineta ke he tau gahua takitaha mo e tau puhala Fafatiaga-Tupe ma anoiha.

Ko e falu mata-gahua kua lata ke fai hikiaga ke he taha poke fiha e mena he matapatu fakatokaaga kua leveki/fakatufono aki e faahi aoga vaha ikiiki. Ko e tau mata-gahua he fakaholoaga gahua nai ne lata ke moua fakatonu ke hiki kua lata ke maama ko e tau talahauaga pulega, kae fakautonu ke he tau fakatutalaaga auloa mai he puhala fakatonu ke hiki.

Ko e tau fakatokaga he fakaholoaga nai

Ko e fakaholoaga kua fakatu aki lima e fakatokaaga mo e 25 e mata-gahua ke auloa ki ai ke moua e hikiaga ke he puhala. Ko e tau fakatokaaga he fakaholoaga nai kua fakatatai mo e tau fakatokaaga he Fakatufono he 10 tau ma e faahi fakaako katoa.

Fakatokaaga 1. Ko e tau fanau mo e tau magafaoa kua fakamahani ke he tau takatakai ne lagaki e tuaga-malolo mo e omoi e higoa-tagata, vagahau mo e aga fakamotu

1.1 **Lagaki hake e tau vevehe mamatua ke he fanau i lalo hifo he 3 tau moui ma e tau aoga vaha ikiiki ne takitaki he tau faiaoga**

Ko e tau vevehe matua:tama tokoluga ne fakaata e tau matua ke leveki fakautonu e tau muke mo e tau fanau ikiiki. Ko e tau vevehe ikiiki he matua:tama ha Niu Silani ma e fanau i lalo hifo he 3 tau moui ne nakai mitaki ka fakatatai ke he tau pulega fakakite-tala mo e tau vevehe he tau kautu tatai he OECD.

Ko e tau vevehe matua:tama ma e tau aoga vaha ikiiki to kamata ke fakaaoga ke he leva he fakaholoaga nai. Ko e vevehe 1:3 ma e ki lalo hifo he 2 tau to tumau ko e taha uho-manatu ke he puhala loa.

Tau tau moui	I lalo hifo he 2 tau moui	2 e tau he moui
Tau vevehe ainei	1:5	1:10
Tau vevehe foou	1:4	1:5

Ha ko e tau matutakiaga he lagakiaga he tau vevehe matua:tama mo e atihakeaga he numela faiaoga fakamailoga he falu faga-aoga (gahua 3.1) mo e kumi mo e taofi he tau faiaoga (tau gahua 3.3 mo e 3.4) to tautefakapapahi e gahua ke he puhala na kua fakatoka i lalo:

- » Ke he vahaloto, ko e tau aoga ne takitaki he tau faiaoga² mo e tau vevehe matua:tama ne 1:4 ma e ki lalo hifo he 2 tau moui mo e 1:5 ma e tau taki 2 tau moui ke moua e fafati fakatupeaga lahi.
- » Ke he vahaloto mo e vahaloa, ko e tau vevehe matua:tama ne 1:4 ma e ki lalo hifo he 2 tau moui mo e 1:5 ma e taki 2 tau moui to eke mo tau peehiaga ma e tau aoga takitaki he tau faiaoga mo e fai faleaoga. Kaeke kua mau ai, ko e tau fakatupeaga lalahi ke kitia ai e malikiti hake he tau totogi he tau aoga kua fakatautonu e tau vevehe ia.

To lagomatai he Minisituli e tau aoga ke fakatonu e fakaaoga he tau vevehe foou mo e tau vahega tau moui.

1.2 Fakatokatoka e tau faiaoga ma e tau matakau fanau ke he tau puhala leveki kua tumau mo e mafola, tau puhala ako-vagahau, mo e holoaga ki mua ma e tau fanau mo e tau magafaoa

Iloa mai he tau liu-kumikumi kua lata e tau fanau ke moua e matutakiaga mafola, tumau, mo e tau fakafetuiaga fakatautonu ke he tau tagata momotua.

Kua amanaki e Minisituli ke liu-kikite ke he puhala foaki laisini ke lata he tau foaki leveki/aoga ke fakatu e tau fakatokaaga he tau gahua he tau faiaoga ke fakatautonu e tau manako fanau takitaha ha he kulupu.³ Ko e tau fakatokaaga ke fakakite ko e tufatufa he tau tagata lalahi he tau aoga ne lagaki e mitaki mo e tatai he levekiaga mo e holoaga ki mua ma e tau fanau.

1.3 Atihake e fakatonuaga ke he lahi he vahega, talagaaga he aoga mo e tau feua takatakai laulahi, mo e ke atihake fefe e tau tuaga mitaki ke he tau kavai ia

Ko e tau vahega ne ikiiki e tau numela kua kitia ai e mitaki he tau mahaniaga ako-mena he vaha ikiiki ti mua atu ke he tau fanau ne ikiiki mo lautolu ne nonofo he tau kaina nakai tutu-mitaki. Piha foki, ko e tau takatakai kua mafana, laulahi mo e maeke e fanau ke fakamahani mo e tau mena i fafo kua uho ni ke he tuaga-malolo mo e akoagamena he fanau.

Kua pulega ai ke atihake e fakatonuaga ke he matutakiaga he lahi he vahega, mo e tau takatakai loga laulahi, mo e ko e lagaki fefe e tau tuaga mitaki he tau matakavi ia. To tutala e Minisituli mo e faahi kaeke kua fai fakatonuaga ke hiki, ti lauia ai e tau puhala faka-gahua mo e tau lagakina fakatupeagaaga.

1.4 Omoi e tau mamatua mo e magafaoa ke kumikumi e tau puhala fakaako mo e akoaga vagahau ke he tau fakailoaaga kua fakaata mitaki

To fakatutala e Minisituli mo e tau mamatua, magafaoa mo e tau matakavi ke kitia e tau avaava he tau fakailoaaga mo e tau puhala ke fakakite e tau fakailoaaga he tau puhala kua mukamuka mo e faka-agafakamotu. Ko e mata-gahua nai to kikite ke fakamooli kua moua oti he tau mamatua e tau fakailoaaga mo e tau lagomatai kua lata ke fififili e aoga ma e tama mo e kitekite ke he puhala aoga.

Ko e tau fakailoaaga he kupega (mata-gahua 5.1) mo e foaki he tau leveki tagata viko-takai (tau mata-gahua 2.1 mo e 2.2) to lagomatai foki e tau matua ke kumi ke he tau puhala ke he tau fakaakoaga. Ko e tau mamatua ne manako ke tutala fakatagata poke ke he telefoni kua maeke agaia ni ke kumi fekau mai ke he tau ofisa matakavi he Minisituli.

² Ko e mata-gahua nai ni ma e tau aoga he tau faleaoga kae nakai lauia e tau aoga falegagao poke tau aoga he tau kaina nonofo.

³ Ne kitia ai kua kehe e puhala gahua he tau aoga-falegagao mai he falu aoga kehe mo e ko e kehe ia kua lata ke fakatautonu mo e fai foakiaga pauaki he magaaho ka liu-fifili ke he tau puhala ke fakalaisini.

Fakatokaaga 2. Kua maeke oti e tau fanau ke fakafita ke he tau akoagamena ma e vaha ikiiki mo e moua lagomatai kua lata ke ako-mena mo e tupu ai

Ko e fakaholoaga nai kua omoi ai he [Fakaholoaga Gahua Lagomatai Akoagamena 2019-2025](#) (LSAP). To fakatoka he LSAP e tau mata-gahua ke takitaki atu ke he tau lalafi kikiteaga faka-puhala ke he tau manako lagomatai akoagamena he tau fanau, ti lauia ai e kumi atu mo e Minisituli Faahi Malolo Tino ke he tau siviaga malolo he tau fanau taki 3 e tau moui. To lauia ai foki e tau mata-gahua ke fakamalolo e hehele tuai ke fakaku e laini higoa ne fakatali mo e maeke e tau kaina mo e magafaoa ke moua lagomatai he magaaho kua tonuhia ki ai.

Ko e [Fakaholoaga Tuaga Malolo he Tama mo e Fuata](#) he Fakatufono to fakaata e talia auloa he tau faahi oti ke omoi e ‘fakalautatai mai he kamataaga’ mo e Minisituli ke gahua mo e faahi mo e falu matakau ke fakamooli e fakaholoaga nai.

2.1 Liu-kikite e fakatupeaga fakalautatai mo e fakatoka ke fakamooli kua moua he tau fanau e mitaki mai he ataina ke he tau fakamahaniaga uho ke he tau aoga vaha ikiiki

Ko e Fakatufono ainei ne foaki e fakatupeaga fakalautatai mo e fakatupeaga fakatoka ma lautolu ne tutu-kelea ke lagomatai e tau fanau ke oatu he tau aoga mitaki mo e moua lagomatai ako-mena he magaaho kua tonu. To liu-kikite e Minisituli ke he tau mena nai ke fakamooli kua lagomatai mitaki e tau fanau ke moua mena ha kua ataina ke he tau fakamahaniaga aoga vaha ikiiki mitaki mo e fakatautonu ke he tau mata-gahua ha he LSAP.

2.2 Atihake e fakatonuaga ke fakaaoga e tau levekiaga viko-takai malolo tino mo e fakatagata ke omoi e tau fanau mo e magafaoa ke fakafita ke he tau aoga vaha ikiiki mo e fakamooli kua iloa mitaki ko hai ne toka ki ai e levekiaga uho ke fakatokatoka e tau lagomatai ma e tau aoga vaha ikiiki takitaha

To omoi he Minisituli e tau fakatokaaga mo e fakaohooho moua mai he [Fakaholoaga Tuaga Malolo he Tama mo e Fuata](#) mo e omoi e tau faahi gahua ne kikite e tau malolo tino, avaava levekiaga tagata, mo e tau mena ne lauia ai e tau fanau aoga he vaha ikiiki.

Ko e falu aoga vaha ikiiki kua fita ni he fakaaoga e tau lagomatai viko-takai mai he falu levekiaga, tuga e, tau ahiahi mai he tau nosi auloa mo e tau faiaoga fakaako vagahau. To fakaohooho he Minisituli e fetufatufaaki he tau puhala mitaki he tau aoga, tau faahi gahua, mo e tau maaga, pihia e tau matakavi lalahi. Lalafi ki ai, to gahua e Minisituli mo e faahi gahua aoga ke fakamooli kua iloa mitaki e tau tagata ne toka ki ai e levekiaga uho ke fakatokatoka e tau lagomatai akoagamena ki loto he tau aoga vaha ikiiki takitaha.

To gahua foki e Minisituli ke he tau puhala ke lagaki hake e lotomatala mo e makaukau he matakau-gahua ke kitia tuai mo e fakatautonu e tau manako lagomatai akoagamena ha ko e taha vala he fakagahuaga a ia he [LSAP](#).

Fakatokaaga 3. Ko e tau faiaoga mo e tau takitaki kua moua fakamailoga, kehekehe, makaukau he tau aga-fakamotu mo e mahuiga

3.1 Fakaohooho ke 100 pasene mo e fakatonu ke 80 pasene e tau faiaoga fai fakamailoga he tau aoga takitaki he tau faiaoga, ke takitaki atu ke moua e fakatonuaga ke he 100 pasene

Ko e tau fakamailoga faiaoga e taha mena uho ke he tau gahua mitaki, ke tuga ae, kua maeke ke fakafetui fakamitaki atu mo e tau fanau.

To lagaki he Fakatufono e numela he tau faiaoga fai fakamailoga he tau aoga vaha ikiiki ne takitaki he tau faiaoga, mo e fai faleaoga.⁴ To taute fakahaga e hikiaga nai, kamata mua aki e tau fakaohooho fakatupeaga ma e 100 pasene kua fai fakamailoga.

⁴ Ko e mata-gahua nai ni ma e tau aoga he tau faleaoga kae nakai lauia e tau aoga falegagao poke tau aoga he tau kaina nonofo.

To gahua e Minisituli mo e faahi aoga ke maama e tau manako mo e mouaaga faiaoga mo e ke omoi fefe e huuatu ke he tau fakaakoaga faiaoga fakamua (ITE) ke lagaki e numela faiaoga fai fakamailoga. Tau lakaaga ke omoi aki e fekau nai to lauia ai:

- » Ke he vahaloto, e fakatuaga he fakatupeaga fakalahi ma e tau aoga vaha ikiiki ne takitaki he tau faiaoga, mo e fai faleaoga ne kua 100 pasene e tau faiaoga fai fakamailoga.
- » Ke he vahaloto, tautē e taha hikiaga fakatonu ke moua e 80 pasene he tau faiaoga he tau aoga takitaki he tau faiaoga ke fai fakamailoga mo e, ka vehevehe e tau fanau ke he tau matapoko kehekehe, mo e tote ke taha e faiaoga fai fakamailoga he veveheaga.

Kae fakagahua ai e tau fakaohooho mo e hikiaga fakatupeaga fakatonu, to kitekite fakatonu ke he lauiaaga he tau puhala vagahau, putoia e malolo he tau aoga ke taofi e tau tagata iloilo he vagahau ke he ha lautolu a tau matakau-gahua katoa. Ko e fakaholoaga matakau-gahua fakaako (EWS) to putoia e onoonoaga ke fakatupu fakalaulahi e aga fakamotu mo e fagatagata mo e ke tukuhifo he tau pahala ke he tau tagata fai kafokia ke matutaki matakau-gahua faiaoga.

3.2 Lagaki hake e tau fakamailoga he tau tagata fakaako ke he tau kaina

Kamata mai he tau 2019, ko e tau hikiaga totogi he tau fakatupeaga ma e tau aoga vaha ikiiki he tau kaina to foaki ni ma e tau fakatupeaga mitaki. Ko e tau faiaoga he tau aoga totogi mitaki ke moua fakamailoga ECE Vahega 3 poke tau ola ke he fakamailoga ECE Vahega 4.

Ko e fakahikuaga, ko e tau faiaoga kaina ke fai poke ako-mena ke moua e fakamailoga Vahega 4, poke Te Ara Taurua, poke taha fakamailoga tokoluga atu mai he ECE poke kōhangareo.

Ko e tau faiaoga ne kua fita he fai fakamailoga Vahega 3 ECE ainei to totou ai fakatatai mo e tau fakamailoga ECE Vahega 4.

3.3 Atihake e taha fakaholoaga mo moua faiaoga he vaha ikiiki kua fakatatai ke he fakaholoaga matakau-gahua fakaako

Taha vala he fakaholoaga matakau-gahua, to fai lagomatai ma e tau faiaoga fai fakamailoga ke liliu ke fakaako he tau aoga vaha ikiiki, mo e fakatupu e numela faiaoga fai fakamailoga he tau maaga, mo e omoi e tau faiaoga vaha ikiiki ne fai fakamailoga Niu Silani ke liliu mai ki kaina.

He vahaloto ke he vahaloa, to fai sikolasipi mo e tau tupe foaki ke lagomatai aki e tau tagata ai fai fakamailoga aoga vaha ikiiki ke moua e fakamailoga ITE mo e tau lagomatai fakatonu ma e tau Māori mo e tau Pasifika.

Lagaki e totogi mo e tau puhala gahua (mata-gahua 3.4) mo e tau vevehe mitaki matua:tama (mata-gahua 1.1) ke omoi ke moua mo e taofi e tau faiaoga.

3.4 Fakaoga taha puhala ne lagaki e lahi mo e fakatatai he tau totogi he tau faiaoga mo e tau puhala gahua he faahi he tau aoga vaha ikiiki

To atihake he Minisituli e taha puhala ne omoi e fakatataiaga mo e lagakiaga he tau totogi mo e tau mena gahua he tau faiaoga he tau aoga vaha ikiiki. To ligaliga ke fai hikiaga ke he puhala fakatupeaga ma e tau aoga vaha ikiiki mo e to fakagahua fakahaga ai ke fakamooli kua tumau e puhala gahua ia.

3.5 Atihake e fakaakoaga faiaoga fakamua (ITE) ke fakamooli kua moua fakamailoga mitaki e tau faiaoga ke fakagahua auloa e kalikilamu mo e falu pulotu

Kua liu-fififli he Kanosila Fakaako ha Aotearoa (Kanosila Fakaako) e fakagahua he ITE mo e fakatu e tau fakatokaaga foou ne fakakite e hikiaga he tau kitiaaga. Ko e tau hikiaga nai ke omoi ke fakamooli kua fai puhala fakaako ataina ke hiki mo e tau akomena ne kautu he ITE kua mau ke fakaako mo e gahua ke moua e fakamailoga katoa. Ko e tau foaki/leveki ITE kua fai peehiaga ke tautē e tau fakaholoaga ITE ke he tau gahua kaufakalataha mo e tau maaga, pihia mo e iwi mo e tau aoga.

Ko e Minisituli, ERO mo e Kanosila Fakaako ke gahua auloa ke atihake e tau fakafiliaga ma e mata-gahua nai, mo e fifili e holoaga ki mua ke he loa he fakaholoaga.

3.6 Fakatu taha puhala kua fakatumau mo e fakatokatoka ma e akoagamena mo e atihakeaga fakagahua (PLD)

Ko e PLD ke fakamau aki mo e fakamalolo e tau gahua ne atihake aki e tau ako-mena mo e tuaga-malolo he tau fanau. To fakatu ai he Minisituli e taha fakaholoaga PLD he kautu kua katoa mo e fakatoka ke omoi e talaga mo e fakagahua he kalikilamu ha ia ke he puha he *Te Whāriki*. Ko e tau PLD oti to lauia e kitiaaga ke he higoa-tagata, vagahau mo e aga-fakamotu mo e fakalataha he tau fanau fai kafokia poke fai tonuhia ke ako-mena.

To fakatu ai taha fakaholoaga PLD he kautu ke fakatupu e tau makaka ke takitaki he tau faiaoga, kaiako, tau tagata fakaako ha he tau gahua takitaki.

3.7 Atihake e tau matapatu/kaina fakafoou mo e liu-kumikumi ma e tau aoga vaha ikiiki

To konotuleke he Minisituli e gahua he tau kaina fakafoou mo e liu-kumikumi ne maeke e tau faiaoga vaha ikiiki mo e tau levekiaga ke kumi e pulotu, fakahoa mo e fakakoloa. To hafagi e tau kaina nai onolaini ke kikite e tau pahala ke matutaki, mo e to talaga ai ke omoi e kau-auloa he tau aoga mo e tau faahi fakaako.

Amanaki ko e tau mahuiga ma e tau faiaoga, maaga, aoga vaha ikiiki mo e fakatufono ke fakatonu e tau huhu liu-kumikumi poke tau mena foou. To fakakite mo e fuafua he Minisituli e tau puhala ke tolomaki ki mua e tau kaina nai ka oti e Liu-fifili he tau Aoga Anoiha mo e ka fakaoti foki falu liliu-fakafoouaga ke he faahi fakaako.

3.8 Omoi e tau aoga vaha ikiiki ke fakafetui auloa ko e tau hoa fakatatai mo e falu aoga mo e falu faahi fakaako

Kua aoga lahi ke fakagahua auloa e tau puhala mitaki, mo e kua lata e tau aoga vaha ikiiki moe tau aoga ke lagomatai e tolomakiaga mitaki ma e tau fanau. To tumau e Minisituli ke lagomatai e tau faahi gahua kau-auloa he tau puhala tuga e Tau-Maaga Akoagamena | Kahui Ako, mo e kumi foki falu puhala ke felagomatai aki e tau gahua mo e talaga foki falu puhala kupega ke gahua auloa.

Ko e falu mata-gahua he fakaholoaga nei ke lagomatai aki e gahua auloa ke talaga kaina fakafoou mo e liu-kumikumi (mata-gahua 3.7) pihia mo e foaki lagomatai ke takitaki ke he tau matakau aoga ikiiki (mata-gahua 5.4).

3.9 Omoi e tau matakau-gahua ke fakaaoaga e te reo Māori he tau aoga vaha ikiiki oti

Ko e *Te Whāriki* ne fakatoka ai e tau manako ko e tau aoga vaha ikiiki ke fakaaoaga e te reo mo e tikanga Maori he tau kalikilamu mo e maeke e Maori ke moua e kautu ko e Maori.

Ke lagomatai mo e fakamalolo e tau fakaakoaga Māori, mo e fakalaulahi e fakaaoaga he te reo Māori he tau aoga vaha ikiiki oti, to liu kikite he Minisituli e tau PLD ainei (mata-gahua 3.6) ke fakamalolo e gahua auloa mo e mana whenua ke taute e tau fakaohooho PLD fakamaaga To omoi foki e tau PLD kaeke fakaaoaga e *Te Ahu o te Reo Māori* – ko e taha fakaohoohoaga PLD kua taute ke fakamalolo aki e fakaaoaga he te reo Māori ke he tau kaina fakaako.

Ko e tau fakatokaaga foou kua fakatu he Kanosila Fakaakoaga to lagomatai ke omoi e te reo Māori ke he tau aoga vaha ikiiki oti. Ko e fakatai, ko e tau fanau he tau fakaholoaga ITE vagahau Palagi to fuafua a lautolu ke he lotomatata he te reo Māori.

Fakatokaaga 4. Kua atihake e lotomatala he fanau kua mahuiga ke he magafaoa mo e maaga mo e omoi a lautolu ke eke mo tau akomena makaukau mo e loto malolo

4.1 Tohi he Kasete e matapatu Kalikilamu, Te Whāriki, ke omoi e fakagahua he tau uho-manatu, tau lala, tau hagaaoga mo e tau palepale kaeke kua talaga he tau kalikilamu maaga

Ko e Te Whāriki ne ha i ai e tau uho-manatu, tau lala, tau hagaaoga mo e tau palepale ako-mena. Ko e tau vala takitaha nai ne fa he Te Whāriki⁵ kua igatia mo e mata-gahua ke fakaaoga fakamitaki e kalikilamu. Ko e tau aoga vaha ikiiki mitaki lahi, ko e tau faiaoga mo e tau tagata fakaako kua fakaaoga e puhalo katoa ka fakagahua he kalikilamu he matakavi ke muitua ke he tau fakaakoaga kua mahuiga ke he tau fanau, magafaoa mo e maaga.

Ko e fakatokaaga fakatufono ainei ne ha i ai e:

- » tau uho-manatu – fakamaloloaga | whakamana, atihakeaga katoa | kotahitanga, kaina mo e maaga | whānau tangata, mo e tau fakafetuiaga | ngā hononga, mo e
- » tau lala – tuaga-malolo | mana atua, fakalataha | mana whenua, tau foakiaga | mana tangata, fakatutala | mana reo, kumikumi | mana aotūroa.

Ko e tau 2020, kua amanaki ke fakaaoga e tau amanakiaga he Te Whāriki⁶ ke tohi foki ke he Kasete ko e taha vala he fakatokaaga kalikilamu. Ko e tuku he tau lala ne fa ke he Te Whāriki ki loto he tau fakatokaga fakatufono to lagomatai ke fakakite haana tuaga mo e gahua ke omoi e talagaaga kalikilamu.

4.2 Fakatu-auloa e tau faga puhalo kua tonuhia, mau-mitaki, lauia e aga-fakamotu mo e vagahau ke lagomatai aki e fuafuaga fakaholo mo e puhalo fakaako

Ko e tuaga mitaki he fanau ke he tau puhalo famahani mo e kehekehe, kae fakatu ai ha lalu tau o-aga ako-mena. Kua lagaki foki ha lautolu a tau iloilo ke fifili e tau tutuaga mo e fakatu e tau amanakiaga ma ha lautolu ni. Ko e tau faiaoaga mo e tau fakaako ne kikite ke he tuaga mitaki ha ko e fia iloa puhalo ke fakahokulo mo e fakamalolo e ako-mena he fanau. Kitekite foki ni e tau faiaoga ke he ha lautolu a puhalo gahua ke atihake ai.

Ko e vhaku ke he vahaloto, to fakafetui e Minisituli mo e tau pulotu liu-kumikumi mo e tau tagata fakaako he tau aoga vaha ikiiki ke atihake e tau lakau mo e tau puhalo fuafua fakaholo ke he fakatokaaga he Te Whārikiki, moua mai he tau fakakiteaga kumikumi he kautu mo e lalolagi. Ke fakamooli kua fakaaoga e tau puhalo kua tonuhia, tumau, fai aga-fakamotu mo e vagahau, ko e tau tagata liu-kumikumi mo e tau faiaoga kua lotomatala ke fuafua fakaholo pihia ke he tau aga kaupapa Māori mo e Pasifika.

4.3 Ko e tau leveki lagomatai ke taute e tau kumikumi kia lautolu ni ke fakamalolo e tau fakagahuaaga he Te Whārikiki mo e fakamooli e holoaga ki mua

Kua fakafoou tuai he ERO e ha lautolu a tau fakakiteaga ke he tau tuaga mitaki ma e tau aoga vaha ikiiki kua matutaki ke he fakaholoaga liu-fifili mo e atihake. Ko e tau fuafuaaga kua tuku he uho fakafaahi ua ke he tau kumikumiaga mai fafo mo e ki loto ne fakamahino ke atihake he mitaki. Kua foaki tuai taha puhalo ma e tau aoga ke fuafua ni e lautolu ha lautolu a tau malolo mo e atihake taha fakaholoaga ne omoi e atihakeaga hololoa.

⁵ Ko e Te Whāriki: He whāriki mātauranga mō ngā mokopuna o Aotearoa.

⁶ Fakatonu ke he Te Whāriki: He whāriki mātauranga mō ngā mokopuna o Aotearoa.

Fakatokaaga 5. Ko e tau aoga vaha ikiiki ko e tau lala he puhala fakaakoaga fakatokatoka mo e mitaki kua omoi, fakatautonu mo e fakatumau

5.1 Fakatoka taha puhala matutaki/kupega fakatokatoka ke fakamooli e fakatuaga aoga vaha ikiiki kua mitaki lahi, kehekehe mo e fakatumau

Ko e Minisituli ka laisini, kitekite, fakatupe mo e omoi e tau aoga vaha ikiiki kae nakai matutaki ke he tau fakaholoaga fakatokatoka. Ko e levekiaga mitaki ke he kupega to omoi ke moua mooli he tau fanau katoa e ataina ke he tau aoga vaha ikiiki mitaki mo e taofi e tau mena kua nakai manako ke ua molea e numela aoga.

To tautē he Minisituli e puhala fakatokatoka ke atihake aki e gahua he kupega. Ko e tau fakailoaaga ke he tau kupega ke fakakite ai ke lagomatai e tau foaki ke fifili ke hafagi e tau aoga foou. To kitekite foki e Minisituli ke he tau hikiaga fakatonutonu mo e fakatufono ke maeke ke leveki tumau e kupega ke moua he tau mamatua e aoga kua lata mo e tau manako.

Amanaki e Minisituli ke fakatu e puhala fakalaisini ne ua e lakaaga:

- » Lakaaga 1 ke fakakite mua he tau foaki e ha lautolu a tau manako ke fakatu poke fakalahi e aoga (to kumi e vala kaina mo e fale). To talia ai, ko e tau levekiaga/aoga ke fakakite kua tonuhia e manako ainei poke ma anoiha, mo e tau foaki-leveki ke fakakite kua mitaki e tau aoga ha lautolu ainei.
- » Lakaaga 2 ke fakapuke oti e tohi-ole laisini ke fakamooli kua maeke he levekiaga ke fakatautonu e tau fuafuaaga mo e falu fakatokaaga ke moua aki e laisini.

5.2 Kumikumi e tau mena ke fakatautonu e moua aoga vaha ikiiki ke he tau matakavi ne nakai loga e aoga

Ke lalafi ke he gahua leveki he kupega, to kumikumi he Minisituli e tau puhala ke fakamooli kua moua he tau fanau, mai he tau matakavi ne ai katoa e tau mena, e tau aoga mitaki ne omoi ha lautolu a tau tuaga-higoa, vagahau mo e aga-fakamotu. Ko e fakatu he tau aoga fakatufono, tuga he fakatoka ke he fakaholoaga fakataitai, ke kikite ki ai ke he tautēaga nai ma e tau maaga ne fa fai pahala ke he tau aoga kua fa fakatautonu ha lautolu a tau manako. Ko e falu puhala to ha i ai e tau fakaohohoaga fakatupeaga, ke matutaki atu ke he tau foaki (mitaki lahi) ne loto ki ai, mo e uiaga ke fakakite e tau manako.

5.3 Fakatoka taha vala kelekele mo talaga aoga vaha ikiiki kua tata ke he tau aoga, kaeke kua fai

Ko e fakatu aoga vaha ikiiki ke he tau kelekele aoga ke omoi e matutaki he tau fanau aoga vaha ikiiki mo e tau magafaoa, maaga mo e tau aoga. Kaeke kua fai, to fakaata he Minisituli e tau vala kelekele he tau aoga mo fakatu ai e tau aoga vaha ikiiki. Foaki he Minisituli e kelekele mo e fafati e totogi/lisi he vala kelekele. Ko e fale he aoga vaha ikiiki mo e levekiaga ke he tau mena he fale ti lauia ai e inisua mo e levekiaga hololoa. To ha i ai ke he vahaloa e tuaga ke fakatu fakatufono ke faka-ataina e tau aoga ke fakatu aoga vaha ikiiki.

5.4 Fakamalolo he lagomatai ke he takitakiaga mo e levekiaga ma e tau aoga vaha ikiiki ne vagahau Pasifika mo e falu kautu foki

Ko e lotomatala he takitakiaga mo e levekiaga kua tonuhia ni ke fakatumau e fakatuaga aoga vaha ikiiki kua mitaki lahi. Ko e tau aoga he tau matakavi, kua lagakina mai he tau atu-motu kehekehe, mo e tau manako ke he vagahau mo e aga-fakamotu, kae neke ai maeke ke moua lotomatala ke takitaki mo e leveki kua lata ma e tau aoga. Ka nakai foaki ha lagomatai pauaki, to ligaliga ni a tautolu ke nakai tumau e tau aoga maaga ia, mo e to utakehe ai e taha mena ne manako lahi e tau mamatua ki ai.

Ke omoi fakalahi e tau aoga matakavi, ko e Minisituli ke fakakite, liu fakafoou mo e omoi mo e atihake e tau fakailoaaga ha i ai, fakaako-gahua, mo e fakatonu ke takitaki mo e leveki ke he tau kautaha tuga e tau aoga vaha ikiiki.

To kumikumi foki e Minisituli ke he tau puhala foou ke takitaki mo e leveki ke lata ma e tau fakaholoaga faka-kupega. Ko e taha vala he fekau ke fifili ke he tau puhala gahua ke omoi e fakafetui-auloa, mo e lagaki e tufatufaaga he tau lagomatai mo e tau gahua takitaki mo e leveki (tuga e, matakau faiaoga hukui, kau-gahua

ofisa). To kitekite fakamitaki ke lagomatai ke fakatumau e tau aoga Pasika vaha ikiiki ne omoi e tau manako uho he tau matatua mo e tau maaga ke he vagahau mo e tau aga fakamotu.

5.5 Fakatu taha fakaholoaga tumau mo e malolo ke kitekite mo e fakalaisini

To foaki he Minisituli e tau laisini ke he tau aoga vaha ikiiki mo e toka e malolo fakatufono ke pеehi e tau fakatonuaga mo e taofi hehele ha fakatokaaga, ti lauia ai e taufetoko mo fifiliaga ke he tau mena tutupu. Gahua tokoua e Minisituli mo e ERO ke kitekite ke he tau aoga vaha ikiiki.

To fakaaoga he ERO e puhala matapatu ke he tutu kelea ke fakakite e tau aoga kua lata ke lagomatai fakalahi ki ai. To atihake he Minisituli e taha fakaholoaga ahiahi fakatoka ke he tau aoga kua ligaliga ke tutu kelea ke kikite e tau lagomatai kua lata mo e tau mena ke taute.

Kua pulega ai ke liu-fifili e tau fakatonuaga ke fakamalolo e tuaga he Minisituli ke kikite ke he tala tu-fakaholo moua laisini he aoga vaha ikiiki kaeke kua fifili ke foaki taha laisini fai pеehiaga, mo e ke utakehe e laisini he aoga kua fa-tuku tumau ke he laisini fai pеehiaga. Kua pulega foki, kaeke kua fakaaoga ha fakatokaaga fakatautonu, kua lata ni he tau aoga ke fakailoa ke he tau magafaoa e tau kakano ne taute ai piha mo e tau lakaaga kua taute ke fakatautonu e tau fekau.

5.6 Fakakite fakamitaki e tau fakatupeaga ma e tau matatua, tau faiaoga mo e fakatufono

Ko e tau fakatufono fakatupe mo e tau fakaholoaga kua fakatonu ko e tau aoga ke fakapuloa tohi e tau tipe foaki he fakatufono ma e tau fanau. Ko e tau fakailoaaga nai ke lagaki e puhala fakatautonu tipe foaki kaeke kua fakailoa mitaki ke he tau matatua e levekiaga he fakatufono ma e tau fanau ha he tau aoga.

Tonuhia foki e tau foaki levekiaga ke fakailoa ke he fakatufono taki lagataha he tau e tau tipe moua mo e fakaaoga ke he tau puhala fakatoka ma e laisini. To omoi e kitiaaga mitaki ke he tau totogi he tau aoga vaha ikiiki. To lagomatai foki e Minisituli ke kitia e tau aoga nakai tutu mitaki.

5.7 Talaga-auloa taha puhala fakatupeaga mo e Playcentre Aotearoa New Zealand

Ko e peleseneta ko e puhala leveki vaha ikiiki ni ha Niu Silani ni hokoia kua kitia e tau matatua ko e tau faiaoga uho mo e fakamua he tau fanau. Ko e ainei kua fakatau talaga puhala fakatupe e Minisituli mo e Playcentre Aotearoa New Zealand mo e fifili ke he tau fakatokaaga moua fakamailoga ke fakatatai mo e puhala gahua ne manako e kautaha ki ai.

Kitekite mo e fuafua fefe e tautolu e fakaholoaga ki mua?

To gahua fakalataha e Minisituli mo e ERO ke kitekite mo e fuafua e tau mena ka moua mai he tau mata-gahua he fakaholoaga nai. Ke kamata aki, to fakatoka e mautolu e taha puhala hehele kua maama mitaki mo e fakamooli kua fai fakatokaaga ke fuafua e tau hikiaga.

To kitekite e Minisituli mo e ERO to manamanatu ke kumikumi fakagahua e tau mena foou ne fai vahavaha e tau fuafuaaga. To atihake e tau vahega fuafuaaga fakalataha mo e puhala hehele mo e fakaholoaga fuafua.

Ko e fakatokaaga gahua kitia mafiti

Fakatokaaga 1	Fakatokaaga 2	Fakatokaaga 3	Fakatokaaga 4	Fakatokaaga 5	
Tau fakatokaaga fakaakoaga ke he 10-tau					
Tau akomena mo e ha lautolu a tau magafaoa ke he lotouho	Ataina ke hu-atu mo e nakai fai lekua	Gahua fakaako mo e takitakiaga mitaki	Akoagamena mo e gahua ma anoiha	Tau fakaakoaga auloa fakatai ke he lalolagi	<p>Ko e Fakaholoaga Gahua Fakaako he Fakatufono kua tonuhia ke he fakatokaaga gahua akoagamena he vaha ikiiki kua putoia ai e:</p> <ul style="list-style-type: none"> Fakaholoaga Matakau-Gahua Fakaako Fakatokaaga Gahua Lagomatai Akoagamena 2019-25 Ka Hikitia mo e Tau Mai Te Reo Fakatokaaga Gahua ma e tau Fakaakoaga Pasifika Fakaholoaga he Kalikilamu, Tuaga mo e Mouaaga-Kautu Tau Mahuiga Fakaakoaga mo e Akoagamena he Kautu (NELP)
Ko e tau akomena mo e ha lautolu a tau magafaoa ke he lotouho he tau fakaakoaga	Tau lavea fakaakoaga lalahi mo e tau palepale kua ataina ke moua he tau akomena takitaha	Ko e tau fakaakoaga mo e tau takitakiaga mitaki ke moua ai e kehe ma e tau akomena mo e ha lautolu a tau magafaoa	Akoagamena kua lata ma e tau momoui he tau tagata Niu Silani ainei mo e ke he loa he ha lautolu a tau momoui	Ko e tau fakaakoaga i Niu Silani kua falanaki mo e fakatumau ni	
Tau fakaholoaga fakatokaaga gahua akoagamena vaha ikiiki					
Ko e tau fanau mo e tau magafaoa kua fakmahani ke he tau takatakai ne lagaki e tuaga-malolo mo e omoi e higoa-tagata, vagahau mo e aga fakamotu.	Kua maeke oti e tau fanau ke fakafita ke he tau akoagamena uho he vaha ikiiki mo e moua lagomatai kua lata ke ako-mena mo e tupu ai.	Ko e tau faiaoga mo e tau takitaki kua moua fakamailoga, kehekehe, makaukau ke he tau aga-fakamotu mo e mahuiga.	Kua atihake e lotomatala he fanau kua mahuiga ke he magafaoa mo e maaga mo e omoi a lautolu ke eke mo tau akomena makaukau mo e loto malolo.	Ko e tau aoga he vaha ikiiki ko e tau lala he puhala fakaako fakatokatoka kua mitaki mo e kua omoi, fakatautonu mo e fakatumau.	<ul style="list-style-type: none"> Lagaki hake e tau vevehe mamatua ke he fanau i lalo hifo he 3 tau moui ma e tau aoga vaha ikiiki ne takitaki he tau faiaoga. (1.1) Fakatokatoka e tau faiaoga ma e tau matakau fanau ke he tau puhala leveki kua tumau mo e mafola, tau puhala ako-vagahau, mo e holoaga ki mua ma e fanau mo e magafaoa. (1.2) Atihake e fakatonuaga ke he lahi he vahega, talagaaga he aoga mo e tau feua takatakai laulahi, mo e ke atihake fefe e tau tuaga mitaki he tau kavai ia. (1.3) Omoi e tau mamatua mo e magafaoa ke kumikumi e tau puhala fakaako mo e akoaga vagahau ke he tau fakailoaaga kua fakaata mitaki. (1.4) Liu-kikite e fakatupeaga fakalautatai mo e fakatoka ke fakamooli kua moua he tau fanau e mitaki mai he ataina ke he tau fakamahaniaga uho ke he vaha ikiiki Atihake e fakatonuaga ke fakaaoga e tau levekiaga tagata viko-takai ke omoi e tau fanau mo e tau magafaoa ke fakafita ke he tau aoga vaha ikiiki mo e fakamooli kua iloa mitaki ko hai ne toka ki ai e levekiaga uho ke fakatokatoka e tau lagomatai ma e tau aoga vaha ikiiki takitaha. (2.2) Fakaaoga taha puhala ne lagaki e lahi mo e fakatai he tau totogi he tau faiaoga mo e tau puhala gahua he faahi he tau aoga vaha ikiiki. (3.4) Atihake e Fakaakoaga Faiaoga Fakamua ke fakamooli kua moua fakamailoga mitaki e tau faiaoga ke fakagahua auloa e kalikilamu mo e falu pulotu. (3.5) Fakatu taha puhala kua fakatumau mo e fakatokatoka ma e akoagamena mo e atihakeaga fakagahua. (3.6) Atihake e tau matapatu/kaina fakafoou mo e liu-kumikumi ma e tau aoga vaha ikiiki. (3.7) Omoi e tau aoga vaha ikiiki ke fakafetui fakatai auloa ko e tau hoa mo e falu aoga mo e falu faahi fakaako. (3.8) Omoi e tau matakau-gahua ke fakaaoga e te reo Māori he tau aoga vaha ikiiki oti. (3.9)
<ul style="list-style-type: none"> Tohi ke he Kasete e matapatu Kalikilamui, Te Whāriki, ke omoi e fakagahua he tau uho-manatu, tau lala, tau hagaaoga mo e tau palepale kaeke kua talaga he tau kalikilamu matakavi. (4.1) Fakatu-auloa e tau faga puhala kua tonuhia, mau-mitaki, lauia e aga-fakamotu mo e vagahau ke lagomatai aki e fuafuaga fakaholo mo e puhala fakaako. (4.2) Ko e tau leveki lagomatai ke taute e tau kumikumi kia lautolu ni ke fakamalolo e tau fakagahua he Te Whāriki mo e fakamooli e ati holoaga ki mua. (4.3) Fakatoka taha puhala matutaki/kupega fakatokatoka ke fakamooli e fakatuaga aoga vaha ikiiki kua mitaki lahi, kehekehe mo e fakatumau (5.1) Kumikumi e tau mena ke fakatautonu e moua aoga vaha ikiiki ke he tau matakavi ne nakai loga. (5.2) Fakatoka taha vala kelekele mo ta aoga vaha ikiiki fakatai ke he tau aoga, kaeke kua fai. (5.3) Fakamalolo he lagomatai ke he takitakiaga mo e levekiaga ma e tau aoga vaha ikiiki ne vagahau Pasifika mo e falu kautu. (5.4) Fakatu taha fakaholoaga tumau mo e malolo ke kitekite mo e fakalaisini. (5.5) Fakakite fakamitaki e tau fakatupeagaaga ma e tau mamatua, tau faiaoga mo e fakatufono. (5.6) Talaga-auloa taha puhala fakatupeaga mo e Playcentre Aotearoa New Zealand. (5.7) 					